

TEZAU LITURGIC
21 MARTIE

ACATISTUL
SF. CUVIOS
SERAFIM
MURAVEV
DE LA VIRIŢK



MOSCOVA, 2000



Ака́фист

преподобному

Серафиму Вы́рицкому

Конда́к 1, глас 8

Подобен: Взбранной Воево́де:

Избра́нный уго́днице Хри́стов, преподо́бне о́тче
Серафиме, ве́ры правосла́вныя свети́льнице и
земли Росси́йския благода́тный засту́пнице,
чу́дный о́браз спасе́ния нам яви́вый, де́ланием
сокро́венным Ца́рство Небе́сное стяжа́вый, к
твоemú предста́тельству ны́не притека́юще, пе́ние
хвале́бное прино́сим ти, любо́вию зову́ще:

Ра́дуйся, преподо́бне о́тче Серафиме, Вы́рицкий
чудотво́рче.

И́кос 1

Ангелоподо́бную красоту́ души́ имёл еси́,
преподобне о́тче, се́рдцем пламене́я ко Го́споду
Сил, и То́му еди́ному служи́ти от ю́ности
восхотёл еси́, и послуша́ние и́стинное Творцу́
своему́ явил еси́. Те́мже промышле́нию Бо́жию о
тебе́ дивя́щися, с ве́рою зове́м ти:

Ра́дуйся, благочесті́вых роди́телей о́троче
достойный;

ра́дуйся, измла́да всею́ душе́ю Го́спода
возлю́бивый.

Ра́дуйся, слу́жбы церко́вныя благоговейный
ревни́телю;

ра́дуйся, ми́ра духо́внаго умиле́нный
созерца́телю.

Ра́дуйся, моли́твы чи́стыя соверши́телю
усе́рдный;

ра́дуйся, се́рдцем сокруше́нным всеце́ло к Бо́гу
устремле́нный.

Ра́дуйся, схи́мнику ла́врскому́ жела́ние се́рдца
своего́ пове́давый;

ра́дуйся, от него́ во́лю Бо́жию о себе́ позна́вый.

Ра́дуйся, преподо́бне о́тче Серафíme, Вы́рицкий
чудотво́рче.

Конда́к 2

Ви́дя Го́спода очесы́ духо́вными и на ми́лость
Его́ упова́я, бра́ком зако́нным сочета́лся еси́,
блаже́нне о́тче, чи́стоту́ душе́вную и телесную
усе́рдно соблюда́я. Вку́пе же с супру́жницею

своею возраста́л еси́ во всякой добродѣтели, непреста́нно поя́ Господеви: Аллилу́ия.

И́кос 2

Ра́зум наш недоумева́ет, о́тче Серафíme, како словесы́ изъясни́ти ве́ру и любо́вь твою́ ко Госпо́ду, николи́же бо усумне́лся еси́ во бла́гости Отца́ Небе́снаго и всеце́лое дове́рие к Бо́гу в души́ твоей пита́л еси́. Сего́ ра́ди глаго́лем ти сицева́я:

Ра́дуйся, о́бразе ве́ры непоколебимы́я;

ра́дуйся, испо́лненный крото́сти духо́вныя.

Ра́дуйся, боя́вйся Госпо́да и храни́вый за́поведи Его́;

ра́дуйся, на всяк день поуча́вйся в пра́вде Его́.

Ра́дуйся, ду́шу твою́ в терпе́нии стяжа́вый;

ра́дуйся, Ца́рствия Бо́жия па́че всего́ иска́вый.

Ра́дуйся, целому́дрия и воздержа́ния супру́жескаго храни́телю;

ра́дуйся, ти́хаго нра́ва любому́дрый носите́лю.

Ра́дуйся, преподо́бне о́тче Серафíme, Вы́рицкий чудотво́рче.

Кондак 3

Силою Вышняго укрепляем, поприще мирское с деланием внутренним мудро сочетал еси, праведне отче, и делами милосердия, Христа ради творимыми, благословение Божие снискал еси. Покрый убо и нас, обнаженных всякаго дела блага, любовию твоею, да восхвалим милостиваго Бога: Аллилуия.

Икос 3

Имея сострадание, милостиве отче, скорбящих укреплял еси, больных и сирых утешал еси, темже и любовь Христову стяжал еси. Приими и от нас благодарственную песнь сию:

Радуйся, скорый помощниче в бедах сущим;
радуйся, щедрый подателю просящим.

Радуйся, храмов и обителей благотворителю;
радуйся, немощных и убогих попечителю.

Радуйся, якоже Самому Христу, ближнему
послуживый;

радуйся, богатство тленное ни во чтоже
вменивый.

Радуйся, земных пристрастий свободивыйся;

ра́дуйся, ве́рою и до́брыми де́лы утверди́выйся.

Ра́дуйся, преподо́бне о́тче Серафíme, Вы́рицкий чудотво́рче.

Конда́к 4

Бу́ри богобо́рческия, в Росси́и воздви́гнутыя, не устращи́лся еси́, богоно́сне о́тче, но по́двиг испове́дничества по́дъем, му́жеством воору́жился еси́ во е́же соверше́нный учени́к Госпо́день нарица́тися, и Ему́ всеце́ло себе́ преда́в, ра́достно воспева́л еси́: Аллилу́ия.

И́кос 4

Слы́шав о тяжких страда́ниях, ве́рными за и́мя Христо́во претерпева́емых, со апо́столом вопроша́л еси́: кто ны́ разлучи́т от любве́ Бо́жия? Веду́ще же вои́стину, о́тче, я́ко любя́щим Бо́га вся поспешеству́ют во благо́е, мо́лим тя: и нам многогрéшным душеполе́зная от Го́спода испроси́, да согласо́но поём ти:

Ра́дуйся, ве́ру правосла́вную му́жественно испове́давый;

ра́дуйся, да́же до сме́рти за Христа́ постра́дати возжела́вый.

Ра́дуйся, и́мение твоё по словеси́ Госпо́дню
разда́вый;

ра́дуйся, за Возлю́бленным тобою́ и
Возлю́бльшим тя послéдова́вый.

Ра́дуйся, зláто, в горни́ле и́скушэний
очищéнное;

ра́дуйся, дрéво, при и́сточнице́х вод живы́х
наса́жденное.

Ра́дуйся, ско́рби и и́спыта́ния в бога́тство ду́ха
обрати́вый;

ра́дуйся, сокровéнным по́двигом ко и́ночеству
себе́ предугото́ва́ый.

Ра́дуйся, преподо́бне о́тче Серафíме, Вы́рицкий
чудотво́рче.

Конда́к 5

Богоу́одне в честнóм бра́це пожíвше,
восхотéсте вы с супру́жницею в лице́ а́нгельстем
Спаси́телю послужити, и тако́ во еди́н день
восприя́ли есте́ постри́жение мона́шеское. Егда́
же восприя́л еси́ благода́ть священства в ла́вре
Алекса́ндро–Невсте́й, тогда́ я́ко звезду́ свéтлую
яви́ тя Госпо́дь лю́дем, во мра́це ско́рби и
отча́яния пребыва́ющим, е́же сих укрепля́ти и

свѣтом истины их озарѣти, Бо́гу же пѣти:
Аллилу́ия.

И́кос 5

Ви́деша бра́тия, я́ко потща́вся вседу́шно Бо́гу
благоугодити, не вотще́ потруди́лся еси́, па́че же
смирѣ́ния глубину́, мир и ра́дость о Го́споде
стяжа́л еси́. Те́мже и мы, зря́ще от си́лы в си́лу
духо́вное восхожде́ние твоѐ, с благоговѣ́нием
взыва́ем ти:

Ра́дуйся, плоть твою́ со страстьми́ и похотьми́
распѣ́нший;

ра́дуйся, сквѣ́рну грехо́вную пока́нием
омы́вый.

Ра́дуйся, я́ко благодѣ́тную си́лу смирѣ́ния позна́л
еси́;

ра́дуйся, я́ко де́ланием за́поведей ева́нгельских
ду́шу обновил еси́.

Ра́дуйся, и́мя Иису́са Сладча́йшаго непреста́нно
призыва́вый;

ра́дуйся, на земли́ блаже́нство бу́дущаго ве́ка
вкусивый.

Ра́дуйся, Же́ртву безкро́вную со страхом и
тре́петом приносивый;

ра́дуйся, сло́вом му́дрым всех притека́ющих к тебе́ пита́вый.

Ра́дуйся, преподо́бне о́тче Серафíme, Вы́рицкий чудотво́рче.

Конда́к 6

Соверше́нную лю́бовь я́ко венéц добродéтелей и дар Свята́го Ду́ха приéмый, немощных нéмоци подъя́л еси́, духоно́сне о́тче, и ко спасéнию мно́ги ду́ши упра́вил еси́. Те́мже предста́тельством твои́м и мы грéшнии недúгов много́различных исцелéвше, благода́рственно вопи́ем Го́споду: Аллилу́ия.

И́кос 6

Возсия́ в лице́ твоём прав́да Бо́жия, и отгна́ся прелесть бесо́вская, егда́ ла́вра и́га обновле́нского свободи́ся, ино́цы же вси возвесели́шася. Сего́ ра́ди про́сим тя, миротво́рче: раздо́ры и нестроéния жити́я нашего́ утоли, неправды́ разори́, да в еди́нодушии глаго́лем ти:

Ра́дуйся, хра́ме нерукотворе́нный Христа́ Бо́га нашего́;

ра́дуйся, щедро́тами Ду́ха Свята́го благоле́пно укра́шенный.

Ра́дуйся, се́рдце твоё вместѣлице міра
соде́лавый;

ра́дуйся, фими́ам моли́твы Го́споду непреста́нно
возно́сивый.

Ра́дуйся, о заблѣждших зело́ душе́ю
боле́знова́вый;

ра́дуйся, всем спасти́ся и в ра́зум и́стины
приити́ желавый.

Ра́дуйся, го́рдость и зло́бу нече́стивых
смирѣнием и кро́тостию победѣ́вый;

ра́дуйся, по за́поведи Христо́ве люби́ти враги́
своя́ учивый.

Ра́дуйся, преподо́бне о́тче Серафѣ́ме, Вы́рицкий
чудотво́рче.

Конда́к 7

Хотя́ Чело́веколю́бец Го́сподь явити́ в тебе́ но́вое
духо́вное свети́ло, даде́ тя бра́тии оби́тели во
отца́ духо́внаго. Те́мже вели́кую схѣ́му я́ко
печа́ть соверше́нства от Бо́га приѣ́мши, душа́
твоя́ чи́стая огне́м пла́менных моли́твы за весь
мир испо́лнися, благоче́стию и братолю́бию всех
наставля́ющи и с трѣ́петом вопи́ющи Бо́гу:
Аллилу́ия.

И́кос 7

В дивном пророчестве, преблаженне, указа́
Госпо́дь путево́дителя и покрови́теля твоего́,
преподобнаго Серафима Саровскаго, егоче́
именем в схиме нареченный, воистину но́вый
утешитель наро́ду нашему́ был еси́. Сему́
благоволе́нию Бо́жию чудя́щися, вопи́ем ти:

Ра́дуйся, тёплый к Бо́гу о всех моли́твенниче;

ра́дуйся, Преблагослове́нная Влады́чицы
Держа́вныя уго́днице.

Ра́дуйся, А́нгелом приятный собесе́днице;

ра́дуйся, духоно́сных оте́ц сподви́жнице.

Ра́дуйся, правосла́вных благода́тное
заступле́ние;

ра́дуйся, блужда́ющих во тьме безбо́жия
светоза́рное наста́вление.

Ра́дуйся, грешников с Бо́гом и́скреннее
прими́рение;

ра́дуйся, исто́чнице ра́дости и уми́ления.

Ра́дуйся, преподо́бне о́тче Серафиме, Вы́рицкий
чудотво́рче.

Кондак 8

Странно есть и неудобоприятельно суетному миру слышати, како молитвами твоими, чудотворче, богатство милосердия Божия изливается на всех с верою притекающих к твоему небесному покровительству. Мы же, славяще Троицу Святую, даровавшую ти благодать сию, радостно восклицаем: Аллилуия.

Икос 8

Всего себе на служение Богу и людям предал еси, дивный отче, чадом своим заповедав о Горнем всегда помышляти и молитву Иисусову усердно творити, еюже всякий грех в души посекается и дух человек с Духом Божиим соединяется. Под твое убо пречудное благословение прибегающе, с любовью величаем тя:

Радуйся, Горняго Иерусалима жителю;

радуйся, неизреченныя славы Спасителя мира зрителю.

Радуйся, молитвы наша к стопам Вседержителя и Богородицы приносяй;

радуйся, якоже отец чадолюбивый просящим полезная подаваяй.

Ра́дуйся, ве́рный Це́ркве Христо́вы служи́телю;
ра́дуйся, неисце́льных боле́зней духо́вный
врачевателю.

Ра́дуйся, гряду́щих време́н чуде́сное предзре́ние;
ра́дуйся, настоя́щих обстоя́ний ско́рое
избавле́ние.

Ра́дуйся, преподо́бне о́тче Серафíme, Вы́рицкий
чудотво́рче.

Кондак 9

Вся Си́лы Небе́сныя удиви́шася смире́нию и
терпе́нию твоemú, свя́тче, мучи́тельным тя
неду́гом зря́ще пораже́ннаго, оба́че
промыслительно от рук гони́телей из ла́вры
восхище́ннаго. Лю́дие же ве́рнии, ви́девше тя,
чу́дно под кро́вом Богоро́дицы в Вы́рицкой ве́си
храни́мага, воспева́ху Человеколю́бцу Го́споду:
Аллилу́ия.

И́кос 9

Витийство челове́ческое умолка́ет пред вели́чием
по́двиг твои́х, преподо́бне: како́ убо, ста́рец
плóтию немо́щен сый, мно́гия труды́ подъя́л еси́?
Те́мже, си́ле Бо́жией в немо́щех соверша́емой
дивя́щеся, взыва́ем ти:

Ра́дуйся, дрéвних пусты́нников иску́сный
подража́телю;

ра́дуйся, по́стническаго жити́я изрядный
люби́телю.

Ра́дуйся, моли́твенных бде́ний усердный
ревни́телю;

ра́дуйся, телéсных нéмощей чу́дный победи́телю.

Ра́дуйся, и́стинным смире́нием добродéтели своя́
сокры́вый;

ра́дуйся, пла́чем плоды́ Бо́жия благода́ти
умно́живый.

Ра́дуйся, елéй ра́дости трезвéнием сохрани́вый;

ра́дуйся, Христу́ Бо́гу жити́ем твоим
благоугоди́вый.

Ра́дуйся, преподо́бне о́тче Серафíме, Вы́рицкий
чудотворче.

Конда́к 10

Спасти́ Русь Святу́ю от нашéствия
инопле́мник Го́спода умоля́л еси́, боголю́бче
дívный: Иису́се Христе́, Сы́не Бо́жий, поми́луй
страну́ нашу́ и мир Твой. Та́ко со умилéнием
сердечным к Бо́гу взыва́я, подо́бне ста́рцу

Сарóвскому нóвый пóдвиг моли́твеннаго
стоя́ния на ка́мени подъя́л еси́. Те́мже ты
укрепи́вшаго Го́спода сла́вим, побéдную песнь
Ему́ пою́ще: Аллилу́ия.

И́кос 10

Стена́ бысть незри́мая моли́тва твоя́, уго́днице
Бо́жий, во́инству и наро́ду на́шему в го́дину
испытаний тяжких. Разумом духо́вным смы́сл
попу́щенных Бо́гом скорбей постига́я,
обрати́ся ко Христу́ отступив́шия лю́ди
призыва́л еси́. Те́мже и нас от вся́кия ве́щи
сопроти́вныя соблюди́, вопи́ющих ти тако́вая:

Ра́дуйся, ча́шу страда́ний со оте́чеством земны́м
до конца́ испивы́й;

ра́дуйся, о поми́ловании Росси́и Го́спода
проси́вый.

Ра́дуйся, во́инству христолю́бивому Бо́гом
дарова́нное поможе́ние;

ра́дуйся, душ и теле́с на́ших живи́тельное
ороше́ние.

Ра́дуйся, му́ченичество безкро́вное во́лею
претерпе́вый;

ра́дуйся, не́мощи естества́ челове́ческаго презре́вый.

Ра́дуйся, земли́ Росси́йския моли́твенное огражде́ние;

ра́дуйся, от враг ви́димых и неви́димых досточу́дное избавле́ние.

Ра́дуйся, преподо́бне о́тче Серафíme, Вы́рицкий чудотво́рче.

Конда́к 11

Пе́ние умиле́нное прино́сим ти, преподо́бне о́тче Серафíme, ублажа́юще многотру́дное земно́е жити́е твоё, ты же не преста́й моли́тися за ны ко Го́споду, да да́рует нам грехо́в оставле́ние, страстей одоле́ние, во вся́цей добродете́ли утвержде́ние и ми́ра душе́внаго хране́ние, и да сподо́бит нас недостойных вку́пе с тобо́ю во Ца́рствии Небе́сном благода́рственно воспева́ти: Аллилу́ия.

И́кос 11

Светоза́рнаго пропове́дника су́щим во тьме безбо́жия зрим тя, всеблаже́нне о́тче, духо́вное бо возрожде́ние Росси́и прови́дел еси́ и сооте́чественником твёрдо ве́ры правосла́вныя

держáтися завещáл еси́. Мы же, словесы́ твоими́ просвещáеми, со умилéнием взывáем ти:

Рáдуйся, слáвы Предвéчнаго Царя́ причáстниче;
рáдуйся, Божéственного Сóлнца лучé.

Рáдуйся, милосéрдия светíло, согревáющее души́;

рáдуйся, настáвниче, духóвно пробуждáющий умы́.

Рáдуйся, светíльниче, íмже мно́зи челове́цы просвещáются;

рáдуйся, молíтвенниче, íмже ко́зни вра́жия разрушáются.

Рáдуйся, чистоты́ сердéчныя хранíтелю;

рáдуйся, совершенства христíанскаго учíтелю.

Рáдуйся, преподóбне óтче Серафíме, Вы́рицкий чудотворче.

Конда́к 12

Блаже́нную кончи́ну твою́, богому́дре óтче, молéнием ака́фистным Богомáтери предварíл еси́: Та бо я́вственне посетíвши тя, отше́ствие твоё бли́зкое на Не́бо десни́цею указá ти. Кíими похвала́ми досто́йно ублаж́им тя, избрáнниче

Царицы Небесныя, ныне со лики ангельскими поюща: Аллилуия.

Икос 12

Поюще дивнаго во святых Своих Бога, веруем, яко много может молитва праведнаго ко благосердию Владыки, и сего ради просим тя, преподобне отче, буди о нас ходатай теплый у Престола Пресвятыя Троицы, вопиющих ти сице:

Радуйся, пламенным Серафимом тезоименитый;
радуйся, старчества восприемниче духоносный.

Радуйся, нивы Христовы неустанный делателю;
радуйся, мира Божия усердный насадителю.

Радуйся, Православныя Церкви новое украшение;

радуйся, велие к Богу за Русь многострадальную дерзновение.

Радуйся, рода христианскаго благомощное заступление;

радуйся, почитающим тя ходатаю вечнаго спасения.

Ра́дуйся, преподо́бне о́тче Серафíme, Вы́рицкий чудотво́рче.

Конда́к 13

О пресла́вный и досточу́дный уго́днице Бо́жий Серафíme, Вы́рицкий чудотво́рче, приими́ усердно́е си́е моле́ние на́ше, с любо́вию тебе́ возно́симое. Умоли́ Всеми́лостиваго Го́спода изба́вити нас от вся́каго зла и напа́сти, да в ны́нешнем ве́це благоче́стно поживе́м и блаже́нства жи́зни ве́чныя моли́твами твои́ми сподо́бимся, о тебе́ благода́рственно Го́сподеви пою́ще: Аллилу́ия.

Сей конда́к глаго́лется три́жды.

И па́ки чте́тся 1–й и́кос и 1–й конда́к

Моли́тва

О богоблаже́нный и премилосе́рдый о́тче наш Серафíme! Веду́ще ты и по сме́рти я́ко жива су́ща, с ве́рою припада́ем ти и вопие́м: не забуди́ убо́гих твои́х до конца́, но ми́лостивно при́зри на ста́до твоё духо́вное и упаси́ е, до́брый па́стырю, благоприя́тными твои́ми к Бо́гу моли́твами. Испроси́ нам от Го́спода вре́мя на пока́яние и грехо́вныя жи́зни исправле́ние, ве́си бо вся немо́щи на́ша душе́вныя: не има́мы дел ве́ры и спасе́ния, не има́мы ре́вности ко и́стинному

богоугодіенію, пленіхомся умом в погібельных
страстех, растлехом сердца во гнусных похотех.
Что убо чаем и на что надеемся, неключимии,
разоривше храмины душ наших? Ей, святыи
отче, простри молитвенно руже твои ко Господу
и умоли Спасителя рода человеческого
коснуться благодатию окамененных сердец
наших, омыть нас слезами покаяния,
возставить в вере, укрепить во благочестии и
вся полезная ко спасению даровать. Не посрами
упования нашего, еже по Бозе и Богородице на
тея возлагаем, но буди нам скорый помощник,
утешитель в скорбех и покровитель во
обстоянии, да сподобимся молитвами твоими
наследовати Царствие Небесное, идеже вси
святии непрестанно славят и воспевают
пречестное и великолепое имя Отца, и Сына, и
Святаго Духа, ныне и присно, и во веки веков.
Аминь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НУЖЕ
НЕБО**